

四庫全書

史部

欽定四庫全書

史部

平定兩金川方畧卷六十二至四

員外郎_臣顧宗泰覆勘

總校官原任侍講_臣王燕緒

欽定四庫全書

平定兩金川方略卷六十二

六月戊戌

上諭軍機大臣曰春寧特成額著帶荷包奶餅往溫福

阿桂軍營分賞並查看打仗情形即回具奏

己亥豐昇額舒堂奏言

臣

豐昇額察看達爾圖一

帶山梁雖係礮卡排列互相應援其最要緊者惟

與官兵相距之大礮木柵得此要隘其餘自必立

見潰敗是以於本月二十四日夜分派官兵豎立木植刨挖溝濠埋伏好鎗箭手為進攻時助力之用至黎明有賊番二三百名從斜坡密林內突出滋擾被官兵擊斃二三十名其餘受傷逃竄臣舒常在日旁亦於是日夜選派奮勇官兵三路前進撲至溝沿賊番竭力堵禦至黎明時見賊番從礮後衝出官兵鎗箭齊施亦擊斃多人餘俱竄回死守

奏入

上諭軍機大臣曰豐昇額舒常所奏分勦達爾圖及日
旁賊碉雖俱勦殺賊番惜為數尚少不足解恨達爾
圖日旁兩處既係賊番要隘亦只能攻打以牽賊勢
若欲另為覓間襲攻非但難得機會且恐兵力愈分
於事轉屬無益各路賊番現雖守拒甚堅究係蕞爾
之區力量有限今官兵屢有增添賊番自皆喪胆即
或畧需時日亦斷無不能掃蕩之理溫福等各宜勉
力為之

辛丑阿桂明亮奏言查附近四川各省如貴州兵前次挑備三千今除赴綽斯甲布軍營二千外尚有一千可供派撥其雲南額兵本有四萬二千上年止調過三千如再約調二千於各邊關換班分駐之處仍屬充裕至湖北湖南實在有兵三萬六千上年止調過五千若再於湖南省調撥五千亦尚易辦通計需調兵丁五千如蒙

恩准

勅下各省督撫挑派迅赴當噶爾拉軍營合以現有兵力則乘間搗虛賊必不能支禦奏入

上諭軍機大臣曰阿桂奏請再調貴州雲南湖廣兵五千為乘間搗虛之計既為此奏朕不肯令作無米之炊所有黔兵一千昨已有旨續調令赴溫福軍營其雲南湖廣各兵二千現亦飛諭各該督撫迅為派撥預備聽候軍營檄調然亦未便專供阿桂之用自當酌量兩處軍營情形撥往於事方有實濟劉秉恬所

駐之簇拉角克與溫福阿桂軍營相距俱不甚遠著
即先赴溫福軍營面商需兵若干再赴阿桂軍營面
商需用若干一面具奏一面飛咨雲南湖南湖廣督撫速
令起程赴該處軍營毋得刻緩

甲辰劉秉恬富勒渾奏言竊查三雜谷屯兵蒙
恩飭議給與月餉以次酌增逾格

隆恩有加無已臣等公同核議該屯弁等自乾隆十七
年改土歸流之後其土守備七員土千總十員土

把總二十員所領之銀足資養贍無庸更議增加
惟土外委四十名每名每年給銀六兩該外委有
約束屯兵之責今各兵按月領餉五錢與外委似
無區別應請將土外委每名各年酌量加銀二兩
則該弁等仰沐

皇仁益當奮力行間用收攻勦之利奏入
勅部議奏旋經戶部議覆請如所奏辦理
上從之

同日溫福奏言六月初二日未刻督臣劉秉恬差
千總張全口稟據布朗郭宗耀員報稱初一日更
時分有賊番滋擾底木達一夜鎗聲不絕董提督
不知作何光景總督處兵少求將軍酌量借兵應
援等語旋於初三日子刻接到劉秉恬來扎據糧
員稟報所有底木達山頭官兵帳房俱已不見又
據木波寨番民報稱今早見有賊番三人叫稱底
木達布朗郭宗俱已搶得你們各寨作速投歸之

語看來事在緊急現將登春所有之兵全數點集

帶往接應請撥兵前赴登春木波喇嘛寺等處防

守等語

臣

思布朗郭宗底木達係小金川舊巢斷

不可任其佔據非勇幹大臣前往辦理恐不能迅

速廓清因與海蘭察籌酌令伊帶同副將成德等

連夜馳赴登春與劉秉恬會商速辦至

臣

處後路

自林口以至簇拉角克西口並功噶爾拉一帶山

梁處處緊要地險路長須有多兵控扼現在所有

之兵實難再行抽調今底木達各處如果已為賊佔必須即日奪回方可以挫賊志而靖番情臣已札知劉秉恬令其飛飭總兵五福於駐札丹壩兵內酌量抽帶由底木達後路兩下合擊再黔兵二千名臣連日接地方官稟報陸續西出桃關想此時已過巴肚拉并札知劉秉恬如賊勢非一兩日即可辦竣兵力尚單即應調來備用更為近便至董天弼此刻尚無確用臣前聞董天弼赴美諾未

回臣思美諾地居胆裡非比底木達布朗郭宗一

帶與金川在在接壤關係至重豈容置之不顧嚴
行札飭始據該提督稟報於五月二十四日起身
回至布朗郭宗今僅隔數日而果有賊番搶擾之
事總緣董天弼於緊要地方竟不在彼駐守以致
弁兵等漫無防備賊匪得肆鴟張實堪痛恨

同日阿桂明亮奏言准劉秉恬初二日來札稱有
賊番襲攻底木達山上官兵帳房俱已不見務祈

撥兵前來彈壓接應臣等詳閱來扎賊番侵擾底
木達係在初一日夜而初二日早布朗郭宗糧員
尚在該處遣人稟報則布朗郭宗之無賊可知即
木波寨番民所述未必非賊番大言恐嚇但劉秉
恬來扎既稱如此臣等當即抽撥在營兵丁五百
名派令前鋒叅領巴克坦布等帶領飛赴美諾以
為聲援並探聽信息相機接應又據署松茂道查
禮稟稱奉總督扎令將黔兵二千調來接濟底木

達既有小驚自應聽劉秉恬調此黔兵臨時察看
情形酌量撥用均奏入

上諭軍機大臣曰溫福阿桂等奏據糧員稟報賊番滋
擾並接劉秉恬札稱現將登春所有之兵前往接應
等語賊番既有搶佔之事不可不即奪回今劉秉恬
業已親往該處溫福阿桂又均撥兵派令大員帶往
協勦其事諒無難辦海蘭察一到自能上緊攻奪倘
海蘭察攻打畧羈時日溫福不妨留兵昔嶺等處牽

緞賊勢暫緩該處進攻即親身馳赴底木達奪回碉寨勦淨賊番溫福等就現在情形妥酌辦理再原調之黔兵二千現經劉秉恬調取自應即令馳往此兵一到交與海蘭察帶領攻勦事竣之後即歸溫福一路應用又昨續調之黔兵一千亦令赴溫福軍營是溫福一路計已添兵三千足壯聲勢其阿桂奏調之雲南兵二千徑赴豐昇額軍營湖廣兵二千徑赴阿桂軍營兩路俱添有新兵自更易於集事所有沿途

應付事宜著富勒渾即速妥辦經理以利進行至董
天弼屢經獲罪經朕棄瑕錄用今伊擅離專駐巡防
之地回至美諾冀耽安逸其情實為可惡董天弼即
著革職拏問派令妥員解京治罪

上又諭內閣曰董天弼現在革職拏問四川提督員缺
著馬全調補其甘肅提督員缺著法靈阿補授所有
肅州總兵員缺交與溫福等選擇軍營出力之員奏
請陞補

乙巳阿桂明亮奏言初四日據查禮稟稱喇嘛寺
糧臺於初二日夜被圍初三日清晨被陷站員通
判汪時被害至底木達布朗郭宗傳聞俱被賊番
搶佔據跟隨董天弼之兵色應鳳逃出供稱董天
弼于初一日夜見事危急令伊子同屯練二名背
印信前來請救董提督隨往官寨存亡不知確耗
再總督劉秉恬於木波地方路遇賊番對敵因鉛
丸火藥用完不能取勝職道現於崇德牛廠功喀

爾拉一帶繞路運往接濟等語查昨日已刻臣等
已派章京將備等帶兵前往尚恐勦洗賊番續安
臺站該章京將備等未能悉合機宜查五岱帶兵
熟練現復令其帶領土兵星赴美諾明郭宗等處
相機夾擊並迅速關通溫福劉秉恬兩處軍臺文
報臣等熟察賊情苟非底木達布朗郭宗一帶小
金川降番有潛行勾引者金川賊人斷不至如此
猖獗臣等一路降番已將精壯之人挑在隨營打

仗其餘各本寨內老弱居多現在亦俱安靜但番
夷之性究未可信臣等現復添派兵丁於緊要隘
口嚴行把守並派妥人至各寨曉諭安撫藉以察
其動靜實可無虞意外奏入

上諭軍機大臣曰底木達布朗郭宗兩處若果為賊番
侵佔海蘭察一到自必奪回並即通道安臺其事為
現在第一要務若尚未辦妥阿桂即親自領兵馳往
底木達將此路迅速籌備萬全再辦進攻至底木達

失事皆董天弼辦理不善所致但劉秉恬在彼不早查叅亦未免失之大意溫福等向後益當加意經理于軍務方為有益其喇嘛寺糧員被賊傷害俟此事辦究後再行咨部查明議卹

上又諭內閣曰此次賊番侵擾原屬猝不及防其疎忽尚不足為劉秉恬責惟董天弼本屬罷軟無能之前經切諭劉秉恬令其留心查察乃董天弼擅離汛守之地退居美諾劉秉恬豈得無聞乎如何不早叅

奏該督之咎實在於此劉秉恬著交部嚴加議處

上諭軍機大臣曰阿桂處派五岱領兵前往五岱如奮
勉出力著海蘭察奏聞將伊授頭等侍衛以示獎
勵

同日劉秉恬奏言臣於本月初三日辰刻據布朗

郭宗兵丁報稱昨夜三更底木達鎗礮聲徹夜不
斷天明瞭望山上營壘俱無董提督不知下落布
朗郭宗亦已被圍等語臣聞信之下不勝驚駭隨

派兵往護簇拉角克東口之木波橋一面飛札將
軍溫福阿桂速即發兵接濟臣亦即親往察看情
形甫行數里即遇隨董天弼之千總龍廷表來稱
初一日亥刻後山忽有賊番擲石攀開官兵營盤
木柵一擁而進董提督即出營往守底木達礮先
令千總前來報信千總翻山峭望已見底木達寨
四圍火起臣詢以底木達勢居險要賊番何以竟
敢冒險而來龍廷表稱董天弼若在礮寨駐防賊

番難以窺其虛實因另立營盤兵力又少遂至失

守等語

臣

正在訊問間見離

臣

營十餘里已有賊

番屯集山梁誠恐賊番前至登春肆擾當即回至

營盤將存剩兵丁並調集糧臺人夫分執鎗矛借

壯兵勢申酉時候約有賊番十數名徑來窺伺當

委遊擊李棟綿領兵迎擊賊勢稍退初三日早間

叅贊海蘭察等前來救援維時賊番已據木波橋

所有附近登春站碉寨十餘賊番俱已佔據午間

並有賊番數十人直撲營盤經叅贊海蘭察派委
總兵靜海帶兵擊退初四日又據自布朗郭宗脫
出兵丁報稱布朗郭宗已為賊番佔據又據查禮
差送火藥等項內開喇嘛寺臺站已失糧員遇害
各等語查喇嘛寺臺站被陷糧道業已不通而底
木達布朗郭宗兩處同時失守雖將軍溫福等分
撥官兵亦難即行克復現在黔兵二十名已到臣
飛咨富勒渾速將此項官兵全數調來資用奏入

報

聞

丙午阿桂明亮奏言初五日據查禮稟稱初四日
辰刻溫將軍派有都司守備帶兵來抵崇德大牛
廠防守糧臺等語臣等三四日以來於賊番情形
僅接該道稟帖而溫福處並無來文明係賊番佔
斷軍臺以致不得木果木軍營消息實深懸切酉
刻接劉秉恬初三日來扎稱底木達賊衆甚多業

己失守初二日傍晚賊番已抵登春初三日早溫將軍先撥兵一千名令海叅贊等帶領前來然賊番等已據木波併搶佔喇嘛寺糧道不通若再將美諾明郭宗佔據則西南兩路盡行阻梗關係甚大等語查劉秉恬處既有海蘭察等帶兵一千名則登春一帶自可無虞但又據查禮報稱賊番已圍困破碉並及帛噶爾角克碉臣等思賊番如此猖獗今海蘭察等既帶兵來援若再撥精銳兵丁

交與五岱奮力前進以成夾攻之勢庶可將賊番
痛加殲戮又同時接到海蘭察咨稱初三日聞賊
已往帛噶爾角克礪恐其佔據美諾及明郭宗之
路若從南路派兵佔據明郭宗美諾由喇嘛寺一
路進攻本叅贊即可開通道路等語臣等隨派出
和隆武等帶漢土官兵五百名星夜前往破礪等
處接續五岱之兵總期併力勦殺早開糧道臺站
至美諾明郭宗一帶雖可無虞但該處所有員弁

均非幹練之人革任總兵英泰人尚老成當添派
兵一百名令其前赴美諾暫行彈壓防範查底木
達布朗郭宗距臣當噶爾拉軍營路程遙遠而距
木果木軍營本近此時溫福處援兵漸集克復當
亦不難

同日阿桂明亮奏言賊番悍惡狡詐顯肆鴟張實
堪切齒不但賊酋賊目等當予寸磔即將其男丁
盡行屠洗亦罪所當然此時賊衆雖侵擾底木達

布朗郭宗各處而現在隨軍營之革布什咱巴旺
布拉克底明正各土兵未嘗稍有驚疑觀望是金
川之不可不滅斷無不滅實可以必操其券至賊
境本屬彈丸何以所用火藥鉛丸尚能接濟臣等
久已詳加體察查默資溝係革布什咱地方產礮
稍多前年為金川所據賊人即于此剗挖礮舁去
年三月間克復革布什咱之後默資溝已撥有官
兵駐守惟聞正地亦出礮斤然不能如默資溝之

多目下大兵四面合攻賊番所用火藥自當日形
缺乏至臣前奉

諭旨以軍營大礮轟擊賊碉漸就破損何不并力轟打
碉根查當噶爾拉前敵各營盤內築有高大礮臺
對準施放原皆直達碉根但所有打塌碉上石塊
墜至碉根日積日厚賊番奸狡異常非但不為除
去轉從而加增即為擁護碉根之用大礮至此不
能得力賊番又于其內豎立木植遮護死力拒守

但事機一至賊番即有堅砌亦無從守禦臣等此時惟有督勵官兵或繞路夾攻或相機勦撲以期迅速集事

同日博清額富勒渾於六月初五日帶領兵丁刻日趕至碩塘站會同臣博清額督率弁將碩塘二道木橋搭起頭起黔兵五百名星夜前往途次接據明郭宗站員蔡宗達稟稱初三日未刻接准帛噶爾角克糧員鍾邦任稟稱喇嘛寺現賊番佔

據等語臣等查喇嘛寺為溫福後路糧臺且離明
郭宗及美諾甚近為兩路軍營一切輓運總匯之
地最關緊要臣等率同候補叅將特靈額及貴州
副將官福等帶領頭起官兵兼程前進俟至明郭
宗相機籌畫策應均奏入

上諭軍機大臣曰阿桂等奏接到劉秉恬信知海蘭察
已至簇拉角克地方勦擊賊匪並派和隆武等前往
接應所辦俱合機宜溫福阿桂兩處派往之兵已有

二千海蘭察復行知溫福添兵一千而博清額富勒
渾所帶之黔兵二千陸續踵至軍聲益壯賊自披靡
此次所調黔兵原為添助進剿之用不期於此大得
其力亦與從前阿里衮等送馬之兵適到即解兆惠
黑水之圍相彷彿此即破賊之先兆也至金川賊衆現
於各路防拒官兵焉得復有多人至此一路滋擾據
所報登春至木波橋一帶賊已不少其喇嘛寺等處
糧臺又有賊番圍佔尚有佔據底木達布朗郭宗兩

處之賊總計之不下千餘或糧員等一間賊至驚惶
無措過涉張皇草木皆兵勢所不免亦不足深責但
賊斷不能糾衆遠來自係小金川降番勾引賊至即
從而助惡故覺其多此等降番敢於反覆若此事平
之後若不悉行誅戮何以使諸番畏威知懼但斬戮
太多恐致衆番驚擾務須設法密辦除惡安良方為
妥善總之金川賊衆狡惡異常不可不加慎重昨豐
昇額等一路已諭其俟續調滇兵到營方可深入即

溫福阿桂兩處或攻得一二險隘有可進取之機亦須照顧後路無虞方不致墮賊番前讓後邀之計其丹壩一路之兵令五福帶領預為堵截原以防賊首從彼軼出但獨當一面恐尚不足恃豐昇額等現在達爾圖日夜攻勦設賊衆守拒甚嚴急切不能攻進或留舒常帶兵在彼牽綴賊勢豐昇額即分兵前往率同五福防堵丹壩一路較為得力是否如此可行不妨商之阿桂溫福不必因朕有此旨強為遷就也

又阿桂另摺奏賊番火藥尚未匱乏之故實不可解
向據奏各路官軍進勦均拋擲火彈聞係皮包實以
火藥引以藥線計一火彈所需之藥不下數斤而所
裝必仍係鎗藥官軍拋擲時不能保藥線之必皆燃
發以火彈之藥供賊番鎗礮之用殊為失算因思鎗
礮之藥性係直轟爆竹之藥性係橫炸若裝火彈時
即按爆竹藥料配用自更有力即或賊番得之用以
放鎗必致炸裂是在我即有棄材而在賊轉受實累

縱火彈拋擲不著亦無藉寇兵之患其情形是否如此並著將軍等查明妥酌為之

同日海蘭察奏言

臣於六月初二日亥刻率兵抵

劉秉恬所住營盤初三日午刻賊來犯營是夜又

兩次侵擾俱被

臣等擊敗初四日丑刻自

臣劉秉

恬所住營盤河口十五座碉寨俱為賊佔

臣等派

兵四路分頭督戰賊番敗走

臣等將各寨落盡行

焚毀據定要地並通知將軍溫福處發兵一千令

副都統烏什哈達由帛噶爾角克礪開通道路初五日臣又將兵八百名令在登春要隘週圍駐劄此外僅餘兵五百名臣若帶領攻殺於事無益且營內糧銀均闕緊要自應嚴為防守是以臣候溫福處兵到竭力夾攻斷截賊番歸路奏入

上嘉之

同日海蘭察劉秉恬奏言現在賊番復將美臥溝一帶卡倫俱已搶佔而美臥溝與簇拉角克僅隔

一山急須防守要隘以保無虞臣等查李煦常保
住現於登春站帶枷拘禁伊等雖屬無能但打仗
向曾經歷因暫開枷飭令帶兵防駐以資堵禦奏
入

上從之

同日富勒渾奏言臣連接阿桂劉秉恬來札賊番

襲攻底木達亟需黔兵接應令調赴明郭宗交劉

秉恬酌量撥用臣思逆酋誕敢侵擾底木達分我

官兵進攻之勢實為可恨臣已星飭各起點兵兼
程仍赴西路以資勦擊臣即督率頭起前進相機
籌畫策應奏入

上嘉之

平定兩金川方畧卷六十二

欽定四庫全書

平定兩金川方畧卷六十三

六月戊申博清額富勒渾奏言初七日亥刻臣等抵明郭宗適將軍阿桂已派五岱和隆武先後帶兵五百餘名來守橋座查此一帶糧站因被賊番阻截督臣劉秉恬奏摺直至初八日始行遞至又詢據將軍溫福賡摺之員稱哲爾覺一帶奏摺均係撥兵護送同日又據報阿思通營卡亦被搶劫

科多被賊佔踞新橋亦有賊番攻打各等語現在
二起點兵陸續已到明郭宗臣博清額郎帶領三
百名先赴美諾相機策應哲爾覺一路至明郭宗
係各處要隘臣富勒渾督率遊擊穆克登阿等竭
力堵禦並飛催後起點兵星夜趲程以資接應奏
入

上嘉之

同日博清額富勒渾又奏言臣等正在繕摺具奏

間據英泰報新橋已失又據崇德站員報亦有賊
番滋擾勢在危急臣富勒渾在明郭宗竭力防範
並將一切情形密寄西路將軍及督臣劉秉恬上
緊備禦奏入

上諭軍機大臣曰博清額富勒渾奏賊番竟敢如此肆
擾實為可恨雖有海蘭察等在彼尚恐未能迅速辦
妥前已有旨令溫福阿桂留兵在當噶爾拉昔嶺各
處牽綴賊勢溫福阿桂即速馳赴底木達一帶上緊

克復若不將此一帶勦辦全完亦斷不宜輕進而於
美卧溝斷賊歸路尤為第一要路海蘭察等必須選
派勇幹將領揀擇精兵五六百名實力堵禦至溫福
阿桂既移兵回擊底木達一帶之賊其昔嶺當噶爾
拉等處賊衆斷無不知或因攻擊稍疎賊將此兩路
守拒之衆撤向底木達等處添助勢力或即于向來
進攻之處乘間出而滋擾更有闖係至新添黔兵源
源而進已與五岱會合即當通知海蘭察將自明郭

宗至登春之賊先行勦除使簇拉角克一帶畧無阻
滯將此一併傳諭知之

己酉豐昇額舒常奏言臣豐昇額鑄成五千餘斤
大砲揀擇地勢築立砲臺初五日午刻見賊第四
礮內連放數鎗臣思賊番最惜火藥無端施放必
有鬼蜮伎倆隨詢之土兵等僉稱金川賊番無故
放鎗不是聚人即係傳知密林內埋伏夾壩暗號
等語臣豐昇額當選派土弁土兵搜捕密林果有

賊二百餘人官兵齊撲進前殺死數人正在擊勦間望見各賊礮內放烟恐其別有說計復令兵丁上樹瞭望見坡下有穿白衣賊數十人遂即放鎗滾石奮勇直追殺死十數名餘多帶傷滾竄至臣舒常於六月初二日晚時天氣始霽即派兵魚貫前往直抵礮下濠邊力掀柵木賊番猝不及防俱上柵木露身堵禦當被我兵鎗箭擊斃十餘人餘仍竄匿旋見各寨賊番分頭奔救臣今將大小砲

位對準來路接連轟打亦多擊斃伏思賊番惟恃
地窖溝濠苟延殘喘今已於柵內高築六七丈砲
臺移設大砲向下轟摧諒賊必難藏匿再土兵一
項在營頗為得力遇有應給之項尤當一時頒發
則受者倍覺叩恩而見者亦知感奮今其陣亡者
例照漢兵減半卹賞臣等請嗣後預給銀三兩以
為掩埋之費於部議卹賞銀兩扣除奏入

上從之

同日博清額奏言六月初十日未時接到查禮寄札知兩路將軍站道俱被賊斷理應速通然貴州方到七百五十餘名若分路前進兵力甚單于事恐無裨益現今將軍阿桂兵糧充裕且起後路尚可從打箭爐通行惟將軍溫福喇嘛寺一路現遣烏什哈達等接應自宜速將劉秉恬救出以通驛站臣現即美諾所有兵一千餘名內派出六百於十一日早晨飛令五岱帶至簇拉角克接應烏什

哈達伊等前後加攻必能將賊番勦洗與劉秉恬
會和再俟貴州二起兵到時派令和隆武帶兵四
五百名前往接應約計至十五日可到簇拉角克
地方但聞劉秉恬處糧米無多火藥鉛丸亦湏接
濟臣即派撥人夫酌量運往並囑五岱等護送前
行以免疎失今總督富勒渾在明郭宗辦理督催
一切事件而美諾亦係要地臣且暫事住此相機
辦理奏入

上嘉之

同日阿寶奏言據卓克采站員稟稱六月初一日
子刻賊番從大板昭正南山口下來殺傷外委五
員搶去卡倫五處初二日早晨又將大板昭西面
卡倫佔去是日未時竟將大板昭營盤搶佔官兵
多被殺傷臣於拜摺後即馳回覺未交督率防查
以期周密奏入

上諭軍機大臣曰賊番搶奪大板昭卡座營盤正與底

木達等處失事時日相同是賊番竟敢設心截我後
路搶刼糧臺尤堪切齒大板昭一帶距丹壩較近今
賊既至小金川則丹壩一路尚非要地著傳諭五福
即速帶兵馳赴大板昭並諭卓克采土司派撥兵練
堵禦賊番歸路勿使仍由此路竄回並著溫福等選
派勇幹將領帶兵馳往大板昭堵截賊番去路勿使
外軼總計賊衆安得如許之多必係將三路要隘守
拒之賊潛行撤回應用現據豐昇額等奏初五日早

間賊番無故連放數鎗疑其或有埋伏夾壩聚人等語是必抽減各路賊衆同往底木達一路或竟將空寨棄讓否則看守亦必疎懈豐昇額等原不妨乘便奪據為得寸則寸之計但不宜輕於深入俟雲南新調之二千兵全到軍營再籌進取

上調內閣曰豐昇額等奏護軍校扎特海前因打仗獲傷遣往成都調養至保崖地方亡故著該部照陣亡例議卹

庚戌富勒渾奏言賊番現抵明郭宗河口我兵不能過橋喇嘛寺一帶難以進攻惟崇德功噶爾拉一路乘賊番未聚帶兵進攻較為便利且烏什哈達現赴哲爾覺防守兩面夾擊可望早通運道當即飛咨博清額五岱分起帶兵兼程前進臣現在一面督兵堵禦明郭宗河口一面於西北山梁分設卡隘並於兜烏及巴朗拉飛調瓦寺鄂克什土兵協令防守以杜賊番復截後路臣思明郭宗一

處萬分緊要擬將末起點兵留駐以資守禦

同日豐昇額舒常奏言六月初九日接據劉秉恬
扎寄賊番已將木波喇嘛寺糧站佔去現在調五
福前往大板昭應援臣即飛咨五福令其帶兵逕
進至丹壩等處已派官達色等往彼防守均奏入
上諭軍機大臣曰富勒渾奏言崇德功噶爾拉一路當
乘賊番未集帶兵進攻已飛咨博清額五岱兼程前
進與劉秉恬會合其末起點兵擬留駐明郭宗守禦

所辦甚是此時開通臺站使各路聲息相通最關緊要而嚴守明郭宗使賊者無從窺伺亦為扼要先務今惟富勒渾一人在彼尚恐難於兼顧文綬現在桃園距明郭宗不遠即著馳赴隨同籌辦一切文綬五岱均著賞授頭等侍衛至豐昇額奏令五福帶兵由大板昭逕進之處昨聞大板昭失防已諭令五福帶兵往彼今思此路亦關緊要五福恐尚不足恃莫若留舒常於宜喜日旁等處牽綴賊勢豐昇額即帶兵

一二千馳赴大板昭令五福為領隊大臣統領前往
至溫福阿桂聞賊如此滋擾自必迅赴該處勦擊一
面選派將領於美臥溝斷截賊番歸路並一面派人
堵截大板昭之路而兩將軍分兵搜勦喇嘛寺帛噶
爾角克一帶佔據臺站之賊隨即分勦底木達布朗
郭宗兩處侵據官寨之賊果能似此嚴密布置賊必
全數就殲不能漏網惟富勒渾摺內稱據鄂克什土
司言明郭宗後山寨落各番均帶器械聽候賊番調

遣等語此或係土司氣餒心疑草木皆兵之說富勒
渾總以靜鎮為主斷不可畧涉驚惶但番性反覆不
常觀望無定亦不可不防其漸將軍等當設法曉諭
各土司令其深悉底裏不致為賊搖惑至富勒渾處
亦當照此諭示並當令鄂克什知之再豐昇額領兵
前赴大板昭其後路糧臺著鄂寶實力設法接續濟
用毋稍延悞

上又諭軍機大臣曰現在賊番截斷將軍等後路恐春

寧特成額仍拘泥從前所降諭旨各赴將軍營盤伊等行至桃關若道路未通伊等即會同總督富勒渾或將貴州雲南湖廣之兵帶領速往救援伊等皆係侍衛凡勦殺賊番開通站路俱屬分內之事務須加意奮勉

辛亥海蘭察奏言六月初七日夜臣聞德爾森保等所守山梁木柵已被賊據所關甚要而登春本有劉秉恬防守即趕回木果木大營將軍溫福以

德爾森保等所守山梁若為賊佔由此而下甚有
關於後路不若暫撤昔嶺附近木柵之兵移防後
路要緊之處即於初八日丑刻撤回乃綠旗兵丁
一聞此信俱已棄營逃遁至初九日夜大營東北
山上木寨俱被賊番奪踞初十日黎明大營後面
山上木柵亦報為賊番所奪將軍溫福同臣海蘭
察共議大營後路既被賊番佔踞若從山頂而下
直犯大營急難退却不若乘賊佔踞未定竭力擊

退方為有益遂率大營所有綠兵及滿洲兵于卯時出營冲擊後路賊番木柵綠營兵見柵內賊番出拒不肯前進紛紛散亂臣等禁止之際又忽見高峯上有賊千餘來犯將軍溫福臣海蘭察等迎上鏖戰而溫福胷左著鎗打透墮馬而亡溫福之子侍讀永保左腿亦著石傷滾山昏迷此時賊衆竟入大營放火臣海蘭察見事已至此若再戀戰徒損官兵先令領隊大臣公福興等帶領兵丁遁

達札克角山越過山溝而出臣等帶領滿洲兵殿
後且戰且走初十日夜半始至功噶爾拉牛天界
營內因令副都統阿爾素納總兵張大經富仲等
將彼處所有兵丁亦皆撤出又聞劉秉恬登春營
盤亦被賊圍臣海蘭察率領功噶爾拉之兵于十
一日卯時令額森特海祿領兵在前開路臣海蘭
察福興普爾普牛天界殿後是日戌刻行至崇德
前路已被賊佔夜間收兵屯住崇德亥刻劉秉恬

亦至十二日未刻行至美諾會見博清額五岱和
隆武公同籌計一面關通將軍阿桂後路一面從
美諾至巴朗拉添兵固守地方至臣海蘭察額森
特普爾普巴雅爾海祿福興請從重治罪臣等不
勝惶懼奏入

上諭軍機大臣曰溫福等失事皆為綠旗兵所誤去年
春朕已派定健銳等營精兵數千備調因溫福阿桂
奏以京兵較綠旗兵費幾數倍朕為其說所游移遂

爾中止今事已如此悔已無及現降旨選派健銳火
器各一千黑江龍吉林兵各一千即日分派起程令
色布騰巴爾珠爾以固倫額駙為叅贊大臣統領前
往竟湏另整規模迅圖進剿此時海蘭察已與劉秉
恬富勒渾會合一處惟當示以鎮靜即將美諾至明
郭宗一帶辦理周密其餘各緊要處應開通者迅速
開通應剿殺者盡力剿殺總須佔住小金川鄂克什
地方整頓兵衆鼓勵士氣以期另辦阿桂聞賊勢猖

檄自必統領大兵撤回殺賊只須阿桂與海蘭察等
會合大局即定至溫福軍營綠旗兵盡皆潰散實堪
髮指若不將倡首及附和者正法多人軍律安在但
現在軍營尚未寧定阿桂當留心查察此時且不必
宣露至于宜喜一路留舒常帶兵駐守豐昇額即由
該路徑往阿桂軍營會商妥辦其丹壩一路仍令五
福帶兵千餘在彼防守堵禦再貴州續調之一千兵
雲南續調之四千兵又今日續調之陝甘兵二千到

川境後應赴何處或在何處暫住聽調即著阿桂通盤籌畫檄知帶兵將領遵照而行至文綬已授為頭等侍衛應即馳赴明郭宗妥為幫辦其富德現係三等侍衛著授為頭等侍衛領隊行走

上又諭軍機大臣曰現將健銳火器兩營兵二千名由京派赴四川軍營計每隊二百人分為十隊著色布騰巴爾珠爾帶領頭隊先行富德帶領末隊後行其餘八隊兵丁派乾清門侍衛保寧伊達里那木扎珠

爾格德同派出之該營章京等分隊帶領行走

上又諭軍機大臣曰今進剿金川綠旗兵丁不甚得力
著富椿富玉等於吉林兵內派出一千黑龍江兵內
派出一千黑龍江應派兵內派索倫五百本城五百
速行備辦即著五百人為一隊作速起程至挑選此
項兵丁務擇其最精最勁者始能得力所有領兵之
章京營總等亦須久經戰陣以資督率並著派福珠
里領吉林兵豐昇額領黑龍江兵伊等帶兵由喜峯口

來京分隊前往軍營應用

上又諭軍機大臣曰現派調京兵二千即日起程赴川
每起二百名間二日一起行走所有將弁官兵等應
得之項查例給發又派有吉林兵一千黑龍江兵一
千亦令即日起行五百名為一起到京後仍按每起
二百之數分撥前進此項兵丁向在德勝門外安營
駐札再行起程前往所有預備事宜著英廉蔣賜祭
照例妥辦俾得迅速進行並著傳諭各該督撫等即

鈎沿途各屬預備俾無稽滯並於司道大員中各員特派一人往來督辦

上又諭軍機大臣曰此次派赴金川之京城滿洲兵暨吉林黑龍江索倫兵丁俱係世受國家重恩即或地方有司預備車輛人夫稍有欠缺亦應將帶往之行李物件背負而行抑或輪流攜帶此係兵丁分內之事俱無不可惟期早抵軍營若向有司索取騷擾即係不知感激無心出力報効之人非惟不能承受朕

恩亦且自取罪戾著叅贊領隊大臣及侍衛等開道
曉諭倘致滋生事端除將本人從重治罪外其領隊
行走之大臣侍衛官員等一併治罪

上又諭軍機大臣曰博清額即留川省軍營授為領隊
大臣領兵行走春寧特成額俱無庸回京交阿桂酌
令領兵行走

上又諭軍機大臣曰金川賊番竟敢出截將軍後路截
掠驛站如此猖獗深為可恨著交舒赫德於伊犁額

魯特兵內視其漢仗精壯者挑選一千令副都統銜
成果帶至甘肅由彼取道前往四川軍營

士子海蘭察博清額奏言本月十三日早美諾西
北木柵內有賊百餘五岱即帶新到黔兵向上與
賊接戰賊番三次來冲俱經擊殺數人賊遂棄柵
竄入山頭木柵正在接戰時大營撤出綠旗之兵
紛紛逃向明郭宗而去禁之不止臣海蘭察同烏
什哈達趕至渡口射死數人始行止住收入營中

臣等籌議似此膽落之兵未戰先奔若仍留在軍營反致搖亂新到黔兵之意與其徒費口糧莫若發回本營而留其畧可使用者于事方為有益現在新到黔兵僅七百名而美諾四面賊番存在可通清嶺甚多若再有失更屬不成事體是以臣留五岱共守美諾俟軍心稍定即領兵前進併力剿殺以通南路驛站再此等潰散之兵本當盡加誅戮但兵役相雜且尚有照常打仗及得病受傷者

礙難盡辦臣已交與總督劉秉恬由彼處送至成都令其各回本省奏入

上諭軍機大臣曰現在選派健銳火器營兵二千吉林黑龍江兵二千伊犁額魯特兵二千前往軍營約計可供冬間進剿之用阿桂等此時自可畧為整頓另定規模並不妨于營中預行傳布添派八旗勁旅數萬尅日來營之信使先聲壯盛以作士氣而寒賊胆看來昔嶺當噶爾拉兩路難於再進即宜喜一路亦

未必有益或就美臥溝大板昭丹壩等處及此外尚
有何路擇其不藉仰攻過進得利者酌定奏聞分兵
攻勦動出萬全至溫福軍營如巴朗之臨陣捐軀予
以卹賞其餘若有因捍衛將軍力戰陣亡及跟隨遇
害亦應一體議卹其或置將軍於不顧臨事奔潰為
賊殺害者此等豈可復邀卹典著海蘭察會同劉東
恬詳查辦理至溫福軍營散去之兵到明郭宗仍思
逃潰實為可惡已降諭旨嚴辦其現隨海蘭察五岱

等勦賊之兵亦係綠營尚知奮勉打仗即應酌賞以示鼓勵或賞給一月鹽菜銀兩或半月餉銀其土官土練並著一體酌賞至豐昇額舒常既已移兵分勦所有經行後路須留意防範勿致疎虞其豐昇額一路糧臺作何接應著鄂寶妥協經理其有應撥撤者即酌量妥撤又據錢鎰奏成都駐防滿營協領六十一等告知情愿將存營兵內再酌派五百名馳赴西南協勦察其情詞肫切已照例辦理迅赴明郭宗聰

用等語所辦甚好至所稱川省現在廣招新兵陸續
遣發之語竟可不必各省綠旗兵本不足恃而川省
尤屬無能即如向來逃兵被獲訊明川省新募者居
多已可槩見將此一併傳諭知之

上又諭軍機大臣曰海蘭察奏新潰出之綠營兵丁交
劉東恬令其回籍等語所辦甚是此項兵丁大約川
省居多蓋川兵近在本地回家便宜今既將伊沙汰
自不容其漏網但據云多至數千係合夫役統計之

詞其中站夫跟役及貿易人等原不必辦及所有現
交劉秉恬遣令回籍之兵若為數太多亦當量為分
別劉秉恬親加詰問其有一聞遣放如獲更生者即
為臨陣潰逃無疑若聞遣放之信仍欲告求在營效力
情詞誠懇者尚未盡喪天良於回營後交該管大員
重加責處革除名糧以示懲儆照此查訊分別密咨
富勒渾於回至成都後詳晰嚴辦倘富勒渾回省稍
遲此項兵丁有先過省者即着錢釐盡數拘留羈管

候富勒渾回省查辦再春寧特成額至成都即著暫行留省會同富勒渾辦理此事完畢再赴軍營富勒渾於辦竣後將正法兵丁各姓名情節移咨將軍等於軍營通行曉諭庶使稍知儆懼

上又諭軍機大臣曰海蘭察現在開道將軍阿桂等後路辦理接站等事最為緊要難以稍離福興亦同係被圍打仗出來之人即速馳驛趕赴熱河如其體有病沿途或乘車轎連夜行走亦可朕欲詢問彼處情

形問畢仍將伊遣回將此傳諭知之

上又諭軍機大臣曰前令特爾森保駐扎木果木北山
梁因此處係將軍等後路防守賊番潛出截後甚關
緊要曾經降旨傳諭而賊番竟爾突出致將山梁奪
佔德爾森保所司何事先既未能瞭望賊踪預報將
軍防範而於賊番奪佔之時德爾森保如何抵敵海
蘭察摺內雖未提及諒無不知領隊等帶兵征勦規
避亦所常有著阿桂詢問海蘭察據實奏聞

上又諭軍機大臣曰現在派調京兵二千吉林黑龍江
兵二千赴川省軍營應用一切軍動公帑絲毫不累
閭閻而輓運負任之勞稍藉民力朕每念百姓等誠
心奉公深可嘉尚屢示優恤此次京兵過境用宜沛
渥恩著將川省乾隆三十九年額徵錢糧均再緩至
次年帶徵至陝甘過兵各州縣著再加恩將已緩五
分者全予緩徵四分者加緩八分三分者加緩六分
仍按照分數多寡一體酌分年限帶徵其直隸河南

二省京兵經過地方並著加恩將本年應徵錢糧酌緩十分之五令得一體均沾第恐不肖有司及奸吏蠹役藉辦差為由加派侵肥使百姓奉上之忱轉受墨吏滋擾之累著各該督撫嚴行查察立即據實嚴叅審明時即於該處正法示衆倘督撫等意存徇庇惟該督撫是問

上又諭軍機大臣曰挑派京兵吉林黑龍江兵分起前赴軍營需用夫役較多恐錢罄一人照料不及富勒

渾著回至成都籌辦送兵之事其在陝西自寶雞入
棧以後現諭畢沅或可做照今春運餉事酌用驛頭
往來接替以期便易至入川後富勒渾即當預為籌
畫官兵行李等項不能不需夫任負但為數不少一
時恐難遍給且川省百姓連年運米等事出力甚多
亦不可不加體恤現已曉諭京兵等以伊等皆滿洲
世僕受恩深重京兵等必能恪遵朕旨沿途不敢苛
求富勒渾惟當深體朕意善為經理務使軍行利捷民

無煩擾

平定兩金川方略卷六十三

欽定四庫全書

平定兩金川方略卷六十四

六月癸丑阿桂明亮奏言臣等思木果木一帶降
番既經蠢動則當噶爾拉後路小金川各寨均應
先為防範稽查旋於本月初七日申刻據現在軍
營之頭人阿申稟稱色木則有金川賊人教令今
夜同反飛速稟聞等語臣等思色木則西南山下
為僧格宗至當噶爾拉必由之路其東南山下係

僧格宗碉寨甚闊緊要即令委署前鋒叅領西當
阿等帶兵往佔色木則碉寨而賊番已先竄入又
於初八日據按察司李世傑等稟稱本日子刻賊
番侵擾科多臣等以科多一站係從美諾前至僧
格宗之路不可不極為勦殺開通遂派舒景安速
帶領駐防滿兵遂往救應又思僧格宗派有寧夏
鎮總兵張玉琦駐守但地居扼要現在存積鉛藥
軍糧甚多雖派巴旺布拉克底土兵助守兵力尚

單復派漢土官兵前往協同守禦酉刻據舒景安
稟稱協領武雲保遊擊阮寧方由僧格宗南邊過
河已將賊番擊敗又據李世傑稟稱拏獲小金川
放火埋伏賊人十六名已於當晚正法等因臣等
思色木則與僧格宗北山本係一道山梁而色木
則碉座甚多復派黔兵令奎林等帶往相機攻打
臣明亮來往督催策應查金川賊番引誘小金川
人陰謀斷路實為可恨可惡幸而均經敗露得以

先發制人而臣等又已預將皮舡收起使河南河北之賊不能交通信息以破其牽連並發之局現在當噶爾拉軍營軍心鎮定儲侍充餘鉛藥均敷應用自可無虞意外再十二日子刻有賊三四百名直撲納圍之陝西官兵營盤經叅將劉輝祖督兵拒擊痛加勦殺黎明賊人始俱敗遁查金川賊人勾引小金川賊衆由底木達一帶前來原欲先斷木果木登春兩處後路因臣等節次派兵往援

遂欲兼斷美諾當噶爾拉中間之路其狡獪之計
險惡異常今已先為發覺一面派兵勦堵一面設
法部署因得稍殺其勢此等惡逆賊番概予駢誅
實所應得但自僧格宗西至卡了約咱兩岸碉寨
相望官兵駐守為數甚多實不能分兵四出逐一
勦洗因派明正巴旺布拉克底各頭人帶領土兵
會同此一帶隘口駐劄之官兵將當噶爾拉以西
各寨男番盡數調出收其軍器其稍有桀驁者或

登時殺死或網縛拋入河流其餘分送至章谷及
打箭爐酌賞明正等三土司並諭駐扎章谷及署
打箭爐之同知等察看酌賞如各番內稍有可疑
者立時殲戮現在據報辦理已經就緒此時各寨
上惟有婦女幼穉後路似可無虞至當噶爾拉山
梁番兵所駐之處距賊碉不遠伊等狡譎異常若
知大兵必欲盡殲即不敢倒戈相向亦必盡竄金
川臣等此時除查有叛逆實迹者即加誅戮其餘

實不能盡數痛辦今臣等將頭目數人留在營盤之內令將領密加看守再飭各土兵察看降番等言語光景並令明正巴旺布拉克底各土兵分營同住俟可以辦理之時即行嚴辦臣等因後路所關甚重惟思先除內應稍免內顧之虞奏入

上諭軍機大臣曰阿桂奏現在派兵防守殺賊多人并設法將叛逆降番羈其頭人殲其醜類勦清後路軍心俱為鎮定等語所辦深合機宜着即命阿桂為定

邊將軍侯京兵等到齊另籌進勦務須掃蕩賊巢殲
兩逆首以雪憤恨而申威令至溫福倉猝遇變臨陣
捐軀著賞一等伯爵世襲罔替入祀昭忠祠並賞銀
二千兩治喪其應得卹典仍著該部察例具奏伊子
永保即著承襲伯爵所有臨時捍衛將軍力戰陣亡
之將弁兵丁及跟隨將軍遇害之官員已有旨查明
分別議卹再僧格桑罪惡貫盈其父澤旺本係大逆
例應緣坐之犯今春械送京師以其衰老待斃不即

正法今僧格桑如此肆逆其父斷不應稍稽顯戮著
交刑部即將澤旺凌遲處死懸首藁街以彰國憲

同日

上諭內閣曰王進泰著馳驛前往四川管理提督事務
甲寅劉秉恬奏言竊初九日未申時分忽有客民
二三千人並砲局匠人等由木果木大營奔赴登
春站所據稱軍營砲局已被賊番搶劫大營四門
關閉客民無可依倚是以散至登春臣隨飭委營

弁飛往探聽據該弁回稱初十日早賊番斷截大營水道將軍溫福帶兵冲出業已陣亡旋准叅贊海蘭察札稱將軍陣亡衆軍全散臣駐劄之登春站斷難孤立今臣覓道冲出因於十一日翻越過山繞抵崇德地方至海蘭察駐兵之處次日海蘭察即由崇德撤赴美諾現在查點官兵酌量分布復聞南路之新橋科多俱被賊佔糧運阻梗難行臣立即回至明郭宗與富勒渾面籌一切臣查美諾

與明郭宗為小金川賊番巢穴必須嚴加防護現
在商同派撥官兵分布要隘處所惟軍營及附近
各站存糧均已失去而美諾明郭宗僅存糧一千
餘石營中軍火多已無存事在急需刻難容緩臣
將防駐事宜妥為布置令總兵英泰副將寶琳等
竭力堵禦小心防範即往返巡查後路第美諾至
巴朗拉一帶道路叢雜防守頗費周章臣惟有竭
盡愚忱設法經理聽候將軍叅贊等酌定機宜以

圖後劾奏入報

聞

同日海蘭察博清額奏言十四日酉刻有小金川
番人前至美諾臣等詳加訊問據稱將軍阿桂之
營尚在當噶爾拉地方其僧格宗亦仍係我兵看
守等語臣當飛扎通知阿桂並於十五日卯刻派
兵一千名交額森特等帶領由南山往迎開路查
美諾離僧格宗不過五六十里早晚即可開通奏

入

上諭軍機大臣曰據海蘭察等奏稱美諾南山一帶現已派兵前往分別勦撫道路易通等語是南山一帶之路此時自己開通惟北山科多新橋等處賊衆甚多且係阿桂後路最關緊要阿桂須即將此一帶賊番盡行勦滅並即速赴底木達布朗郭宗兩處上緊克復乘賊番佔據未久攻之尚易逼令賊酋勢迫仍竄回金川可先清小金川地界將美卧溝大板昭等

要隘選派將領分撥重兵防守並將鄂克什至卧龍關一帶後路防範周密官兵即可於小金川地方暫行屯住為另籌進剿之計又富勒渾已實授四川總督自應回至美諾明郭宗等處總辦一切其巴朗拉一帶或令博清額或令劉秉恬前往妥協經理

同日

上諭軍機大臣曰現因四川火藥不敷故於鄰省辦解今京城所存火藥甚多既派滿洲兵前往著令預備

十斤一包交兵丁等帶往以省運費領隊之大臣侍衛留心查管毋使沿途致有潮濕遺失又錢鑒奏稱現在西路軍營每日約用火藥萬斤等語殺賊雖以火藥為要何得用至如許之多著諭將軍大臣等曉諭兵丁凡用火藥鉛彈務期破卡殺賊切不可於無關緊要地方輕施鎗砲以致虛費

同日豐昇額舒常奏言六月十六日五福差人送到自金川脫出綽斯甲布番民薩納木一名

臣細

加訊問據稱聞僧格桑帶領頭目往木果木去索
諾木亦帶兵往噶拉依恐其往巴旺布拉克底等
處等語臣即移知阿桂留心防範奏入

上嘉之

乙卯

上諭軍機大臣曰昨豐昇額奏番人供詞有索諾木帶
兵由噶拉依往巴旺布拉克抵之語其地為阿桂軍
營後路且與章谷一帶相近所關甚重不可不留意

稽防再當噶爾拉軍營著明亮留兵駐守若其地非
多兵不能據扼即當令明亮統兵駐僧格宗與美諾
為犄角之勢則當噶爾拉一路賊自無從竄入即達
烏至章谷一帶亦可控制無虞阿桂當就該處情形
悉心籌畫又昨據劉秉恬奏木果木軍營民散在前
兵潰在後究係未能先事預防所致且營中鎗砲火
藥若早派重兵嚴守砲局何致為賊搶劫而民匠役
數千亦當收之營內脩人數以助軍威未為不可不

應堅閉營門聽其散去既示賊番以弱且徒搖惑衆
心是溫福未免倉皇失算至其營中兵衆不下一萬
數千當時潰散若干著交阿桂即行確查具奏再將
領中實係陣亡與巴朗相似者均應奏聞予卹其隨
將軍冲出之滿洲兵一百餘名有陣亡者亦一體查
明議卹若所列未出人數內或有踪跡未明不能定
其存亡者亦開具姓名奏明交部脩核

上諭軍機大臣曰李煦常保住在營已久其獲罪亦非

若董天弼可比著加恩李煦賞給遊擊常保住賞給三等侍衛隨阿桂軍營差委以觀後効

同日

上諭軍機大臣曰劉秉恬革去總督著賞給按察使銜翎頂暫行照舊戴用仍令其實心辦事俟軍營規模大定阿桂酌看奏聞請旨

丙辰富勒渾奏言查路頂宗以內之達木巴宗巴朗拉山神溝一帶路徑叢雜在在皆通賊境而巴

朗拉尤屬險要為我兵出入之門今劉秉恬招募之新兵五百名業經來到臣隨即派撥防範至於明郭宗美諾存糧一千餘石止敷數日之食現今星夜趲運仍分派大員按站督催以資接濟至軍營應用物件均已遺失亦飭軍需局催僱工匠迅速製造以備取用再各處防守卡隘未免兵力稍單臣查本省滿營兵尚有五百名除留三百名守城外飛調二百名又於本省存駐兵丁內派調二

百名於各要隘酌量分布庶防禦後路更為有裨
奏入

上諭軍機大臣曰富勒渾奏路頂宗以內之達木巴宗
巴朗拉山神滿一帶派兵防範所辦亦屬周到但巴
朗拉為我軍糧臺後路今逆番尚在布朗郭宗等處
而大板昭一路賊復由彼竄入計距別斯滿等處甚
近若由彼潛出抄截所關不小現在富勒渾所派防
守兵數無多不可不嚴密防範至鄂克什官寨最有

關係必當派勇幹將領帶兵嚴守其資哩寨亦須駐
兵防守使聲勢聯絡則巴朗拉一路便可無虞實為
此時急需籌辦之事若阿桂尚未到即著富勒渾劉
秉恬會同海蘭察博清額悉心籌度又富勒渾奏明
郭宗美諾僅存糧一千餘石現在沿途督催接濟所
辦甚好軍糧最為軍營要務現據富勒渾奏請令原
任布政司李本在巴朗拉一帶總催糧運已批令酌
予職銜令該員將此事實力妥辦以勵後効又豐昇

額所需軍糧應從何路運往接濟鄂寶即行妥辦奏聞至現在最急最要之務必須將小金川地面肅清駐兵以待再進著傳諭阿桂迅即統兵回美諾速辦勦賊事宜豐昇額等過程前赴大板昭攻勦賊衆以收夾擊之益仍即馳往美諾與阿桂會同籌辦一切同日海蘭察博清額奏言十六日申刻見賊數百並有騎馬頭人由山梁走入卡內臣等隨諭橋外所立四卡內官兵土練及守橋之碉內官兵俱令

整頓聽候調遣攻擊甫及昏黑賊番分為六隊直
冲橋梁圍攻四卡官兵土練等奮勇放鎗直至亥
刻賊番兩次冲突俱被鎗箭擊退又有數賊欲登
湖廣兵所立卡牆有兩兵持刀破殺數人俱斃於
牆下賊衆畏懼退回現今人心初定之時理應獎
勵臣將此次土練及出力最多之兵俱行賞賚其
守備九齡千總王定國額外把總蕭尚文等登記
功冊並諭以再遇超異出力之處即懇

皇恩陞用其砍賊兵丁郭正鼇等委署隨營把總查美諾乃小金川巢穴係副將軍阿桂後路惟有晝夜防守痛戮侵擾賊番以圖速通南路奏入

上嘉之

丁巳阿桂明亮奏言臣查美諾至僧格宗一帶道路尚在未通則由當噶爾拉前往章谷之後路亦慮賊番搶劫此一路小金川寨落甚多其山後又通金川賊境恐賊番乘間竄入藉以佔據尚須添

兵防守因思布拉克底之臨卡地方從前駐有官兵酌抽五百名派令防禦其色木則一處賊者先已竊據碉寨夜間來擾營盤經奎林等督率官兵屢次奮力掩殺連日以來不敢復行滋擾至逆酋等雖在西路得志較前猖獗然乘其不意攻打一二處亦足以壯軍心而寒賊胆臣等遂派都司崔文傑帶領各土兵於十三日夜由色木則後山攀附而登潛抵賊卡之下直前擁入賊番驚竄官兵

趕殺多人餘俱逃散臣等思番賊行同鬼蜮或從
山箐爬越侵犯納圍糧站亦未可定維時委署叅
領觀祥適帶護砲兵百餘名即飭其留駐以資防
護傍晚所調草布什咱土兵亦至是夜果有賊二
百餘人攻撲糧臺漢土官兵合力迎殺賊衆受傷
拖曳而去者約十餘人至河南拉約等寨探得寨
內藏匿賊番漸有舉動之勢十三日夜派兵前往
十四日早間分為三路直上攻打一面痛加勦洗

已將寨落焚燒至僧格宗對河營寨賊者聚集更多十五日復令都司崔文傑等帶兵渡河陸續進攻賊番悉力死鬪為官兵殺死五六十人寨落亦俱焚燬現在河南惟未動之宅壘兩寨暫存留其河北自僧格宗起至約咱止其河南自卡了起至營寨止小金川賊番俱已盡淨其營寨以東尚有鳩瑪爾里等寨與賊固結拒守必須勦完各寨則河南一路即與美諾開通昨據海蘭察來信附近

鳩寨之零星寨落逐一攻破而臣等所派往勦鳩
瑪爾里之官兵亦於十六日夜前往十七日遙望
是處山上起火想即日可以勦洗克復統俟兩軍
會合再勦除河北之彭魯爾等寨則美諾河西亦
可掃淨奏入

上諭軍機大臣曰阿桂等所辦深合機宜且殺賊亦多
甚屬可嘉著將奮勇出力之弁兵查明咨部議叙至
目下最要之務必須即將底木達布朗郭宗兩處上

緊克復阿桂奉到此旨即或河北羣賊尚未殺盡亦當由河南一路回至美諾與海蘭察等會合再發兵勦洗河北之賊更為得力惟撤兵時應將後路料理周密勿使賊衆得以尾躡

同日阿桂又奏言兩金川賊酋猖獗如此即寢皮食肉亦難釋恨惟木果木一帶大經挫損不得不為添兵辦理俟得悉彼處確實情形並應調何處之兵臣另籌具奏奏入

上諭軍機大臣曰阿桂等奏稱俟定有應調之兵另行具奏看來阿桂此時亦知從前伊等所奏無需滿洲兵之錯矣今統計現調兵有一萬三千名兵力甚壯復繕寫諭旨曉諭各土司伊等接到後通行曉諭各番一面揚言已調十餘萬精兵前來合勦則賊酋聞之喪胆震動而各土司聞此亦可定其游移之志

同日

上諭各部落土司曰從前金川土司莎羅奔郎卡等不

遵法令欺侮小金川奪取土司印信拘囚澤旺父子
復擾明正草布什咱地方是以出兵征討莎羅奔郎
卡等聞威震懼計窮祈命至經畧忠勇公大學士傅
恒前叩頭求款朕仰體

上天好生之德念伊等既已抒誠知罪寬其既往准其
請降仍為土司如故並頒恩命勅伊等安居守法永
勿侵犯鄰封番酋等理宜感朕不誅之恩恪遵法紀
詎意數年之後背恩蠢動又於鄰近部落漸行擾害

俱為川省總督辦理寢息並未奏聞至近日金川逆
酋索諾木與小金川逆酋僧格桑狼狽為奸索諾木
既將草布什咱土司用計殺害佔奪地方僧格桑亦
將鄂克什地方奪取肆行猖獗直至明正司土之境
始經總督具奏是以發兵問罪乃僧格桑誕敢抗拒
天兵而索諾木又助兇同逆朕思此二賊酋若不盡
加俘戮則國家之法令不彰而附近各土司地方必
至皆為所具是以命將軍大臣等統率雄師先將小

金川蕩平而逆酋僧格桑逃赴金川此時索諾木若將僧格桑擒獻親赴將軍營盤乞恩請罪朕尚可加之曲宥乃轉將逃賊容留負隅抗拒是核其罪惡較甚於僧格桑必須勦除始可永清邊徼俾各部落長得寧居是以屢諭將軍大臣等聲罪致討以乞天誅今僧格桑愍不畏死與索諾木等商同潛出煽惑舊屬醜徒斷截臺站以致將軍大臣等殉難陣亡此其罪大惡極萬無可恕朕統御天下善者必予獎賞惡

者必示懲誅如爾衆土司內有實心出力急公奮勉者朕皆從優給賞錫以緞疋銀兩花翎名號用示嘉予今僧格桑與索諾木罪惡貫盈神人共憤此而不加懲治何以統馭萬方耶朕現已降旨將副將軍阿桂授為將軍督辦討賊事務揀派滿洲索倫額魯特等健銳兵丁並陝西雲南貴州湖廣等處勁兵數十萬厚儲糧餉轉輸接濟又運餉數千萬兩以脩其用如許兵力如許軍資勦殄賊番易於反掌朕所以如

此籌辦者皆為爾衆土司等恐致失所耳爾等自應
努力併心同期滅賊以冀永受朕恩逆酋所恃不過
山路險峻碉巢堅固猶如潛穴之鼠有何伎倆計至
今冬必當掃滅設不能長驅深入再俟二三年或四
五年將賊酋要隘四面奮攻賊衆不得耕作稍休必
至盡為餓殍又何從逃死耶今降旨曉諭爾等各自
保守地方毋使逆酋軼出并聽將軍等調遣奮勉從
事早滅兩金川逆酋受朕恩眷堅心助討永圖樂業


不得稍有游移踈懈勉之特諭

上又諭軍機大臣曰富德著授為領隊大臣帶領頭隊官兵先往其藍翎侍衛納蘇肯著帶領末隊官兵行走

同日鄂寶奏言西路臺站不通所有綽斯甲布一路文報自應由丹琪一帶馳送臣飛札軍需局速撥馬匹按站安設并委弁員以資馳遞又恐取調馬匹一時不能到齊復札總理各道通飭各站員

如遇文報到站馬匹務須通融借撥如或不能得馬即令現有步兵星速馳送仍按依里數時刻隨到隨行如有遲延據實叅奏奏入報

聞



平定兩金川方畧卷六十四

欽定四庫全書

史部

平定兩金川方略卷六十五

員外郎_臣顧宗泰覆勘

總校官原任侍講_臣王燕緒

欽定四庫全書

平定兩金川方略卷六十五

七月癸巳

上諭軍機大臣曰現在賊番佔據布朗郭宗底木達等

寨其帛噶爾角克科多各處賊尚未退而大板昭亦

有賊佔恐賊衆由別斯滿山口潛出滋擾鄂克什資

哩與巴朗拉一帶糧臺後路所關不小昨已諭令阿

桂富勒渾等酌派勇幹將領帶兵駐守鄂克什及資

哩兩寨以資控扼其巴朗拉一帶並須多派兵弁往來嚴密防查方為周妥伊等自必遵照諭旨上緊籌辦至打箭爐一路與章谷相近前據番人供詞有索諾木帶兵一枝往巴旺布拉克底之語恐其抄截當噶爾拉後路已諭令阿桂設法嚴防而阿桂現將附近該處降番盡力洗戮以防其內應所辦甚好朕心為之稍慰惟打箭爐為控馭諸番要地據索琳自西藏回京奏稱城內僅駐副將一員尚有往來查辦之

事所餘兵亦無多甚有關係萬一賊衆突至彼處滋擾成何事體現在川省在營官兵有限且大率怯懦無用難以再撥所有續調之貴州湖廣雲南陝甘兵共九千名已當陸續起身赴川著富勒渾文綬通盤籌畫於續調兵內酌留一千兵駐打箭爐極少再須五百名並選勇練將一員帶兵駐守方為有益也阿桂此時若已至美諾富勒渾等即將此事會同商酌如尚未到即與海蘭察等斟酌而行一面辦理一面

奏聞又查四川共有總兵四員俱在軍營於職任難以兼顧其本鎮事務現係何員署理營伍諸務是否不致貽誤廢弛各鎮標實存額兵若干其寫遠鎮營邊隘是否足敷防禦並著查明具奏

臣

等謹案賊番佔據底木達布朗郭宗總督等飛章入告時美諾鄂克什等處未聞有警我

皇上慮周萬里惟恐賊情叵測或於巴朗拉一帶潛

出滋擾即

勅令富勒渾等預派將領控扼該督等得所遵循多兵
防守遏其勢於未形之先嗣美諾鄂克什被陷
後賊見日隆巴朗拉防守嚴密不敢再肆鴟張
官兵因得駐扎日隆另籌進取因敗為功機由
此轉實由

睿謨密運握

勝算於先幾也

同日海蘭察傳清額劉秉恬奏言

臣

劉秉恬先於

本月十六日至美諾聞賊番有由別斯滿一路往鄂克什去者十六日有賊三人來鄂克什偷越官兵卡座經鄂克什人殺死割取首級呈獻此必賊番欲截美諾明郭宗後路查從前總督富勒渾在鄂克什巴朗拉等處未經多駐兵丁經臣海蘭察等抽派兵二千前往今臣劉秉恬招募兵五百名除富勒渾於巴朗拉留兵二百名外其三百兵丁來至鄂克什臣等議派副都統普爾普帶往鄂克

什一路查看緊要隘口今新舊兵丁一同駐守將
貴州兵撤出帶至美諾以備接應副將軍阿桂一
路旋據額森特和隆武五岱等報稱帶兵往攻鳩
寨賊番一見放鎗抵禦我兵奮勇前進賊皆敗竄
渡河而去奪獲大小礮五十餘座俱行焚燬正在
攻取下面山寨據守橋兵丁報稱山上忽有賊百
餘衝來將橋佔去等語臣等查現兵所帶軍器甚
少又人惶惑此等兵丁遣往無用令普爾普隨即

帶貴州兵三百名到來臣海蘭察等即挑選二百

派普爾普帶領侍衛庫爾特勦殺山梁賊番奪取

橋座探聽副將軍阿桂等信息至臣劉秉恬自美

諾起身赴鄂克什并查附近站上所有軍械烏鎗

迅速賫送奏入

上諭軍機大臣曰美諾明郭宗等處地方緊要海蘭察等帶兵駐扎清釐一切地方勦殺賊衆辦理接續臺站事務皆合機宜前經降旨令海蘭察暫駐美諾辦

事俟阿桂回美諾後海蘭察再帶兵功勦今閱伊等奏摺南路一帶之賊額森特等已經痛殲前進而留兵看守之橋仍被賊佔雖因留兵數少不能敵禦以致被奪但額森特等去時業將賊衆俱行勦殺并燒燬寨落則此項賊番又從何來或於勦殺時躲避俟伊等過後復出侵擾乎抑或他處賊番來奪此橋乎今普爾普自鄂克什帶到貴州兵三百名即派其前往奪橋殺賊普爾普人誠實漢仗亦好海蘭察等酌

令領兵接應所辦甚是至鄂克什土司與兩金川素有仇隙雖自當固守地方但力弱不能禦賊今防守鄂克什之事僅劉秉恬一人前往恐不能濟事著海蘭察於滿洲領隊大臣侍衛等擇其曾經歷練之人派令前往方為有益

同日富勒渾奏言查軍米一項從前陸續出口長運滾運業已在途今因軍營失事觀望不前

臣沿

站曉諭並出示背夫運米一背至明郭宗交收賞

銀一兩又派專員逐站趙催復派總理大員督率
現今商夫日漸加增沿途趕運計三四日內外卧
龍關之米并美諾明郭宗現存米共有四千餘石
陸續至營足敷月餘之食又據文綬札稱桃關出
口米又有三千餘石自可源源接濟至火藥鉛丸
鑄礮銅鐵各項正須加倍增運備用除飛飭軍需
局并兩標中軍趕緊辦運外其沿途各站現在積
存者派員逐站挨查嚴飭儘數趕運不使稍有停

留令數日來相繼前進足敷現在防禦進攻之需
至營內所需鍋帳軍械等項亦飭趕緊製辦以備
調用再查梭磨丹壩一路與金川相通之處亦多
而布朗郭宗底木達已被賊踞難保無潛出滋擾
之事五福現在彼處駐守臣已札其小心防範並
飭梭磨卓克采從噶克各土司多派頭人番衆在
各要隘處所設卡堵截查拏又科多一帶文報阻
滯臣飛飭軍需局將打箭爐至章谷各站添設馬

匹一應文報悉由南路馳遞茲據局員稟稱先後
辦馬二百五十匹兼程赴打箭爐以備添站臣因
此路亦關緊要就近飭委遊擊知府各一員飛赴
打箭爐辦理並飭明正土司於各要隘嚴加防範
至臣後路糧運軍火現亦辦理稍有頭緒拜摺後
即起身仍赴美諾督辦一切奏入

上諭曰所辦俱妥已授汝為四川總督更勉為之

同日

上諭軍機大臣曰此時最要之事惟在阿桂即從軍營
回至美諾籌辦勦賊事宜第恐阿桂未肯退兵然軍
營大局當務其切要者阿桂此時駐守當噶爾拉亦
屬無益且又須防守後路徒使朕多一番懸注自六
月二十三日以來屢次諭令阿桂回兵美諾阿桂接
奉前旨諒即遵照撤回或留明亮仍駐當噶爾拉成
令駐守僧格宗自必妥協籌辦今賊番現佔布朗郭
宗等處寔為美諾肘腋之患不可不急速勦除上緊

收復其河北科多新橋等處之賊阿桂赴布朗郭宗
時即可令海蘭察統兵前往盡力勦殺務將醜類盡
殲肅清小金川地面以便屯駐官軍另籌進勦至美
諾官寨固屬緊要若阿桂到後即統兵勦復布朗郭
宗聲勢甚大而海蘭察又帶兵在河北勦賊軍威更
整賊自不敢輕覷美諾但須派駐精兵留博清額經
理一切即可無虞至鄂克什官寨尤為後路要隘昨
已詳晰傳諭令派勇幹將領選撥重兵駐守其地並

防守資哩隘口伊等如能經理得當則巴朗拉一帶
軍臺糧路使得安固今據稱賊已由別斯滿往鄂克
什果如朕前旨所料尤當急為防範其看守鄂克什
寨之人將金川潛往之賊立時殺死亦足以寒賊膽
而挫其氣所有殺賊之人即當查明重賞以示獎勵
但帶兵之員必須速往接應方無後患至軍營糧運
最關緊要富勒渾不必急於前往若其甚為得力此
時美諾無甚應辦之事富勒渾不必急於前往若富

勒渾已回美諾而阿桂亦可剋日回兵富勒渾即留
駐美諾同博清額辦理諸務其鄂克什一路現有劉
秉恬前往所有巴朗拉一帶督催糧運諸事必須定
力妥辦至海蘭察等稱營中之兵無器械者甚多劉
秉恬現往鄂克什一路糧臺查有剩存軍器即送美
諾備用此等固可應急但恐所得有限不能敷用富
勒渾已飛飭軍需局將烏鎗腰刀鉛藥等項急速製
備即當再檄該局迅速送往以供軍營利用

乙未豐昇額奏言據知府盛英稟稱綽斯甲布土
司工噶諾爾布告稱聞索諾木潛使人誘約三雜
谷土司令於智固山一路截斷宜喜糧臺隨行知
五福官達色李天祐實力嚴防並獎勸各土司令
其照前出力并嚴守智固山地方仍札諭優獎工
噶諾爾布示以信任之意令其派人探聽隨時報
聞又李天佑據鄂克什土司色達克拉報稱伊所
屬人衆俱隨溫將軍大營所餘惟有婦女老幼查

鄂克什為西路軍營後路要地又即飛咨富勒渾
妥為查辦奏入

上諭軍機大臣曰豐昇額此次調度均屬合宜不意其
竟能如此為之稍慰逆酋潛謀斷路實屬可恨計其
為時已久尚無動靜自可以保無虞然究當留心防
範至鄂克什一路關係緊要已早諭富勒渾等酌派
將領帶兵往駐今豐昇額所辦與朕意適合且計其
移咨日期在朕降旨之前富勒渾接到即辦自更妥

速目今急務惟盼阿桂速至美諾整兵勦賊恐阿桂以退兵為嫌不肯輕撤然朕自六月二十三日至今已屢次詳晰傳諭阿桂自應遵旨回兵美諾迅即勦復布朗郭宗盡殲羣賊廓清小金川現在之事無有要於此者旬餘以來盼望阿桂信息至廢寢食阿桂當善體朕意將此一併傳諭知之

同日海蘭察博清額奏言本月十九日臣等派領隊大臣普爾普等帶名二百名接應額森特和隆

武五岱等往通副將軍阿桂後路是日傍晚普爾
普回來告稱額森特等所留守橋兵丁被賊衝散
橋座已為賊據我兵前往纔過一半不意峯後埋
伏賊番從峯上放鎗滾石已將我兵截斷難以前
進等語臣等正在計議二十日夜又據報賊從美
諾南山向下壓攻所有山梁卡座被賊奪佔臣等
即欲整兵往救而賊已下山其看守美都喇嘛寺
等處兵丁驚慌逃散賊番奪取此寺直壓美諾官

寨而薩穆果穆橋又有賊來施放鎗礮仰攻美諾其勢斷不能守_臣等帶領未動官兵一面打杖一

面撤至明郭宗但美諾一失則明郭宗亦不可守

_臣等因收兵至鄂克什與領隊大臣富興烏什哈

達普爾普總兵海祿等商議鄂克什四面皆通賊路而前後山梁又復寬濶兵少難於駐守不如據守要隘方為妥善隨詢鄂克什土司色達克拉據稱現在鄂克什實難存住惟達木巴宗地方險要

若將資哩及斯底葉安前後山梁佔據賊番不能
越過再在巴朗拉各路酌量駐兵即可固守等語
查達木巴宗先已留兵六百名今又派出新到貴
州兵一千名並選健壯兵四百名計兵二千令副
都統烏什哈達等帶同色達克拉之弟雅滿塔爾
前往駐守臣等暫駐日隆再圖進取

同日劉秉怡奏言臣於六月十六日自鄂克什前
赴美諾查看賊勢甚屬猖獗叅贊海蘭察三次發

兵接應南路副將軍阿桂後路亦均為賊截斷在
內信息全無臣隨於十八日仍回鄂克什據土司

色達克拉稟稱鄂克什資哩寨南北兩山最關緊

要前歲小金川圍攻鄂克什時即由北山前來抄

截資哩昨聞北山已有小金川賊番三人探信當

經殺死等語

臣

查鄂克什後路雖經派有兵弁為

數甚少難資防禦因將

臣

自登春帶出之兵百餘

名及陸續收集之兵數十名帶赴該處安設正在

派撥間二十一日據土司色達克拉之子報稱美
諾明郭宗俱失叅贊海蘭察擬撤兵至鄂克什地
方旋據海蘭察差弁告知鄂克什地方亦難據守
大兵應撤駐日隆等語臣查日隆距巴朗拉約五
六十里而巴朗拉為緊要門戶山神溝亦通賊境
巴朗拉現駐新舊兵四百五十名而山神溝止有
新兵七十名寔不足以資堵禦臣查大兵退守日
隆則資哩南北山梁已無庸防駐隨將前項擬派

南北兩山兵丁盡數添撥山神溝嚴加防範現在
海蘭察已駐兵日隆其明郭宗鄂克什等處存糧
俱已燒燬此時糧運最為緊要臣即往返向陽坪

卧龍關一帶與署督臣富勒渾相機籌辦實力查

催再查大兵業已退保日隆看來此路情形只可

就現有官兵竭力防範目下斷難進取至副將軍

阿桂一路聲息至今未通臣欲派兵接應則川省

已無可調之兵查奉

旨續調黔兵一千不日到應即令由打箭爐直抵僧
格宗接應阿桂後路臣現在飛飭領兵將備遵照
並咨明富勒渾預備應付均奏入

上諭軍機大臣曰美諾明郭宗已俱失守海蘭察現退
至日隆駐兵防守賊衆竟敢如此猖獗殊堪痛恨總
由營中未派滿洲兵無可倚恃致屢為怯懦不堪之
綠營所誤實切憤懣此時急務惟接濟阿桂為要美
諾之路既斷阿桂難從原路退出自應速由達烏一

帶回至章谷已有旨令富勒渾博清額普爾普成德
四人帶兵往迎阿桂並飛諭圖思德將續調之黔兵
一千星速起程邁進徑赴打箭爐一帶接應阿桂奉
到此旨即速整兵由章谷一路退出毋稍遲疑至僧
格宗為當噶爾拉至章谷要路阿桂前奉已派兵嚴
守昨額森特五岱復自美諾勦洗河南一帶賊寨與
阿桂通路想已至僧格宗守住或當酌從深嘉卜等
處經由巴旺布拉克底一路而出為要他事皆可辦

理北時總以阿桂整軍而出為要他事皆可緩商也
至豐昇額等一路前已屢降諭旨令其撤兵赴大板
昭勦殺賊衆并斷賊後路今美諾等處既不能守
賊勢方熾豐昇額等不宜復往大板昭一路勦賊計
伊等接奉前旨自己起程若仍由正地一帶原路退
回恐太迂遠自應由丹壩三雜谷一路回至巴朗拉
等處暫住但須於撤兵時辦理妥密毋致綠營輕動
并諭各土司等此時雖暫撤兵俟新派之滿洲勁旅

到齊即分路另籌進勦仍須至該處進兵該土司等
毋得稍有疎懈如此方為妥協阿桂等即將何日進
兵迅速加緊覆奏以慰注念

同日梁國治奏言

臣 欽奉

上諭現在分路進次需添兵力

臣

遵即札商署督

臣 陳

輝祖於入川較近之澧州常德九溪永定岳州辰

州衡州鎮筸等營并

臣

等提標長沙各營兵內挑

撥精壯烏鎗等兵共二千名分作四起所需軍裝

火藥礮位船隻供應各事宜即日備辦齊全

臣一

面行知各營督催起程

臣

即於二十四日前赴常

德澧州一帶點驗官兵督率前進徑赴副將軍阿
桂軍營聽候調遣奏入報

聞

丁酉

上諭軍機大臣曰現在進勦金川已派京城滿洲兵及
吉林黑龍江兵前往其西安駐防亦有滿洲兵丁此

項兵內挑選一千名並選派領隊協領等官所有應得之項及軍器等物妥為辦給派副都統舒麟帶領迅赴軍營交與色布騰巴爾珠爾富德調遣應用

上又諭軍機大臣曰昨木果木軍營失事皆由綠旗兵潰逃所致今美諾之不能守亦係綠營兵先潰其情甚為可惡悉行處斬亦不為過但思此等潰兵通計不下數千若皆駢首就戮雖其罪由自取朕心實有不忍況綠營兵恒怯輕退總由營中無滿洲兵綠營

無可倚恃遂爾見賊即潰此實溫福等從前倡議不
調滿洲兵以致自悞朕亦未能計及於此悔已無及
若將伊等全辦轉似事後諉過於無能懦卒更覺無
謂莫若概免其死著富勒渾文綬曉諭此項潰兵以
爾等臨事潰竄本當立時正法以肅軍紀今奉旨念
綠旗之潰由於營中無滿洲兵可為觀法遂致倉皇
搖動其罪雖無可宥但不忍令此數千人同受誅戮
特加恩免死將營中所汰潰兵遣發各省安插以示

格外矜全如此通諭俾綠營兵共知感愧激勸其已
到成都之兵現今文綬至四川省城辦事即著其遵
旨傳諭其軍營衆兵即著富勒渾傳諭並著文綬查
明此項潰兵如係四川本省及雲貴湖廣者即發遣
甘肅兩廣如係陝甘者即發遣雲貴湖廣俱分起陸
續解往並須避京兵所經棧道及各省續調兵來之
路勿令相見至此等潰兵雖云罰不及衆其為首潰
竄者亦不可不查明重辦數人申軍法而昭炯戒著

於發遣各兵時錄朕此旨轉寄所發之各督撫於此
等潰兵解到時以次詰訊軍營首先潰散實係何人
如即在發到該省兵內將該犯即留省城訊實奏聞
正法其在別省者即開明姓名營籍錄叙衆供移咨
所發省之督撫訊實奏聞正法其餘應發之人皆分
別各州縣安插勿使聚集一處飭令各屬嚴行收管
如有脫逃者拏獲時照新疆改遣例即行正法再川
省連年辦理軍需運送糧械派撥人夫不能不用民

力屢降旨加恩蠲緩以獎善良但其中或有司辦理不善或胥役藉端滋擾皆恐不免文綬自當留心整飭有犯必實加嚴懲亦有奸民遇事生風如鄆都縣民蔣正中吳捷元輩之惑衆阻撓者自不可不嚴加懲儆但平時亦當撫馭寧貼勿使絲毫滋事文綬到川年餘於該省土俗民情亦已深悉總宜不動聲色妥協經理相安無事以副委任富勒渾前此帶領黔兵徑赴明郭宗及安設章谷一帶軍臺通阿桂後路

所辦俱合機宜亦見其能實心任事甚屬可嘉富勒
渾身係滿洲今又用為四川總督自當益加奮勉昨
諭令同博清額普爾普成德帶兵往迎阿桂自當迅
速妥辦由章谷一帶探聽阿桂軍營所在即行迎往
務令阿桂及早整兵退回章谷等處方為萬妥

上又諭軍機大臣曰四川提督員缺已有旨令王進泰
調補綠營兵丁怯懦不堪而川省尤甚則將領等平
時之不能約束訓練亦難辭咎所謂兵不知將將不

知兵安望其能得實用乎王進泰久膺專閫閱歷有素自能措置合宜今授四川提督前往軍營凡各省調到綠營皆可經營而川省官兵尤其專轄著傳諭王進泰先就川兵實力整頓激其愧恥之心作其勇敢之氣使人思自効營伍改觀俾諸軍有所觀感奮發方足以副委任

戊戌阿桂明亮奏言兩金川賊番勾結侵擾經臣等分撥漢土官兵過河而南勦洗各寨現在兵力

既分所有山梁上官兵實已無可抽用至現有火藥此時更應撙節臣等飭令將弁須見賊番聚集礮卞之內或出來行走再為施放此外不可任意輕費其多餘礮位於二十日酌令運至大營轟擊色木則等處之賊臣等復思賊番既見礮位運下必料我兵將撤往他處或乘勢潛來侵擾當即傳知各將弁小心防範預備勦殺是夜亥刻果有賊番先至山梁中間三寶營盤官兵早已預備放鎗

擊打賊番不能前進分為四股前來浸擾陝兵營盤維時叅將劉輝祖即督兵放鎗拋石而賊番狡惡異常帶有板片鋪墊過壕官兵奮力截殺直至二十一日丑刻賊始踉蹌奔竄官兵趕殺共計殲賊八十餘人此次叅將劉輝祖以一百五十人竟能督率奮擊殲戮多人且額受石傷實為勇往出力_臣當即賞給花翎其受傷官兵亦分賞銀兩以示鼓勵查賊番窺伺當噶爾拉大營勢頗猖獗現

在各處不時騷擾臣等惟有督勵官兵竭力堵禦如遇賊人潛來多行殲戮稍紓憤悶奏入報

聞

同日阿桂明亮又奏言查各軍營所調之兵歷時已久而木果木功噶爾拉官兵傷損既多聞所餘不過數千又新經挫折一時難望其振奮至當噶爾拉後路綿長賊番時刻覬覦現雖撥兵防守尚覺單弱本路已無進攻之力他處更無兵可分臣

等前于本月初一日籲請添兵五千名為乘虛掃
穴之用此時諒蒙

恩鑒但目下情形又與從前迥異自當通盤計議速籌
分頭再進之兵以定各路合攻之局查貴州陝甘
三省已無可調之兵惟湖南湖北額兵共有三萬
六千若於臣等前日請調之二千外再調三千共
成五千尚可辦理其山西本與陝省毗連且該省
多山若於近山居住之兵擇其精壯驍健者挑撥

五千尚可運用

臣

等前摺所請昭通等處酌撥兵

二千共調綠營兵一萬二千名如蒙

俞允仰懇

勅下各督撫即行挑備分起迅速赴川再行次應用之
兵若僅於近省綠營調取不惟不能多得且驍勇
亦不似滿兵仰懇

皇上恩准挑派京中健銳營火器營滿兵三千吉林滿
兵四千索倫兵三千發來以備進剿至各項兵丁

陸續抵川尚需時日其如何分路進剿之處恭候
聖明指示再知會豐昇額等將分撥各兵事宜悉心詳

議奏

聞以期迅速再進至木果木功噶爾拉官兵既經撤出
而豐昇額一路現又分撥官兵護糧防後亦不能
竭力進攻是以所有賊番力量已全聚於當噶爾
拉一路此時別無官兵可調而豐昇額處亦未必
能派兵前來接應此路但當噶爾拉一路軍糧火

藥存貯尚為充裕

臣

等惟有竭此血誠悉力籌辦

即賊人狡獪百出各處侵擾

臣

等鼓勵衆心亦尚

能堅守兩三月如有臺站文報阻隔數日之處伏

祈

皇上弗厯

聖懷奏入

上諭曰自以由打箭爐回軍為要已令富德飛速帶兵
接濟兩路內外夾攻以期妥回至內地再籌進剿

上又諭軍機大臣曰阿桂奏當噶爾拉軍營防勦賊匪情形所辦俱合機宜朕心稍慰賊匪敢於如此猖獗阿桂現在鼓勵衆心尚能堅守兩三月其志甚屬可嘉但美諾已不能守海蘭察等俱撤兵退至日隆阿桂即在當噶爾拉駐守亦難急于攻勦而小金川之地又難即時克復且賊勢方熾我力稍單阿桂自應速由章谷一路整兵而出為要是以前日一聞海蘭察退回日隆之信即傳諭阿桂迅速由章谷退兵且

俟新派京兵及續調陝甘雲南湖廣各省綠營兵到
齊另等分路進勦並諭富勒渾博清額普爾普成德
帶往迎接阿桂今復授富德為叅贊大臣諭令先行
馳驛兼程赴川如遇新派之西安駐防兵二千及自
請赴營之成都駐防兵五百並貴州續調之一千湖
南已經起程之二千兵有可帶往者即速帶領前往
章谷迎接阿桂並令色布騰巴爾珠爾亦按程趕赴
成都俟有陸續兵到即行帶領由打箭爐前往接應

但看阿桂之意不肯輕退者必因營中兵力不足在外又無應援若急於撤兵恐綠營軍心易動而賊人轉得伺我之隙在後追躡所籌亦是今富勒渾等及富德接續到彼官軍聲勢漸盛阿桂自當起伊等到後即將當噶爾拉軍營料理周妥與富德等內外夾攻以次整兵而出回至內地地方慰懸注至豐昇額等一路朕心亦深廝念前諭其移兵往勦大板昭之賊昨聞美諾退兵一事復諭令即帶兵由丹壩三雜谷

一路回至巴朗拉若此旨到時豐昇額等尚在宜喜則自彼由革布什咱巴旺布拉克底之境至當噶爾拉軍營較為徑捷豐昇額等就該處現在情形斟酌萬全行之再成德一員前已有旨補授川北鎮總兵所有固原鎮總兵員缺著阿桂另揀軍營出力之員奏請補授其扎拉芬已照所請補授永州鎮總兵所遺副將員缺現據阿桂奏稱叅將劉輝祖勇往出力即著陞授長沙協副將以示獎勵至所請調兵之摺

於阿桂未經奏到之時已分別派出其山西兵路既遙遠且亦不甚得力自可毋庸調往今通計所調兵共一萬七千軍勢亦可大振統俟到川後阿桂等悉心妥議另籌分路進剿迅奏膚功

平定兩金川方略卷六十五